

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 08.02.2024թ. թիվ 2417895096 որոշումն անփոփոխ, իսկ վարչական բողոքներն առանց բավարարման թողնելու մասին

<<26>> 02 2024թ. 24-5 1779

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Հայկ Երեմյանի ՄԴ/14551-24 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Էրեբունի վարչական շրջանի Խաղաղ Դոնի փողոց 9 շենքի 32 բնակարանի բնակիչ Հայկ Երեմյանը դիմումով խնդրել է բեկանել վարչական տույժ նշանակելու մասին 08.02.2024թ. թիվ 2417895096 որոշումը՝ նշելով, որ տվյալ հարվածում առկա ճանապարհային նշանները չեն համապատասխանում սահմանված պահանջներին:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը բեկանելու հիմք հանդիսանալ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Վարչական իրավախախտումների վերաբերյալ ՀՀ օրենսգրքի 251-րդ հոդվածի 1-ին մասի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Ըստ նույն հոդվածի 2-րդ մասի՝ այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման <<Հատուկ

թելադրանքի նշաններ>> գլխի՝ 5.15.2՝ <<Երթևեկության ուղղությունները գոտիով>> ճանապարհային նշանը ցույց է տալիս երթևեկության թույլատրելի ուղղությունները գոտիով:

Ճանապարհային ոստիկանության Ճանապարհային երթևեկության կազմակերպման հսկողության բաժնի 19.02.2024թ. տեղեկանքի համաձայն, Երևան քաղաքի Ծ.Իսակով-Ա.Բաբաջանյան-Գեորգիյա փողոցների խաչմերուկի հատվածում՝ ՀՀ կառավարության 26.10.2006թ. թիվ 1699-Ն որոշման պահանջներին համապատասխան, երթևեկության մասնակիցներին տեսանելի վայրերում տեղադրված են 5.15.2՝ <<Երթևեկության ուղղությունները գոտիով>> ճանապարհային նշաններ, ըստ որոնց երրորդ երթևեկելի գոտուց թույլատրվում է երթևեկել դեպի Արգավանդ համայնք և Իսակովի պողոտա (դեպի Երևան):

ՀՀ կառավարության <<Հայաստանի Հանրապետության ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> 28.06.2007թ. թիվ 955-Ն որոշմամբ սահմանված 5.15.2՝ <<Երթևեկության ուղղությունները գոտիով>> ճանապարհային նշանները մշակված են նմուշի տեսքով և խաչմերուկի առանձնահատկությունից ելնելով մշակվում են այլ տարբերակներ: Առկա ճանապարհային նշանները համապատասխանում են ՀՀ կառավարության 28.06.2007թ. թիվ 955-Ն որոշմամբ սահմանված պահանջներին:

Վիճարկվող որոշման հիմքում դրված տեսանյութը փաստում է, որ դիմումատուին իր տրանսպորտային միջոցով 02.02.2024թ. ժամը 14⁰⁸-ին վերը նշված փողոցների խաչմերուկի հատվածում, երրորդ երթևեկության գոտուց ուղիղ երթևեկելով, խախտել է առկա ճանապարհային նշանի պահանջը:

Այսպիսով հիմնավորվել է, որ դիմումատուին վարչական պատասխանատվության ենթարկելու մասին վերը նշված որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 08.02.2024թ. թիվ 2417895096 որոշումը թողնել անփոփոխ, իսկ վարչական բողոքներն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Հայկ Երեմյանին:

